

# مدرسة إبليس

ديوان شعر بالعامية المصرية



# مدرسة إبليس

ديوان شعر بالعامية المصرية

محمد وجيه





اسم العمل : مدرسة إبليس

اسم المؤلف و دولته : محمد وجيه - مصر

التصنيف الأدبي : ديوان شعر بالعامية المصرية

الترقيم الدولي : 5 - 5 - 85455 - 977 - 978

رقم الايداع : 3103 / 2019

رقم الطبعة : الأولى 2019

تصميم الغلاف : محمد وجيه

تدقيق لغوي : نجاح العالم السرطاوي

الناشر : دار ديوان العرب للنشر و التوزيع - مصر - بورسعيد

المدير العام : محمد وجيه

تليفون : 00201211132879

الموقع الرسمي للدار : [www.dewanelarab.com](http://www.dewanelarab.com)

## الإهداء

لكل إنسان علمني درساً  
حتى صرت أكبر من عمري  
كان الدرس قاسياً  
كان الدرس محموداً  
بالنهاية تعلمت  
فكتبت ....

محمد وجيه



## مقدمة الكتاب

بسم الله الرحمن الرحيم

ديوان شعر العامية " مدرسة إبليس "  
للشاعر المبدع الراقى الأستاذ " محمد وجيه "

لستُ أدري ...

من أين أبدأ وأين أنتهى ؟ فى هذا الزخم الفخم والخضم المتراخى  
الأبعاد والإبداع المهيب فى هذه الدوحة الغناء المترامية الأطراف  
التي زخرت بكل لون عذب وكل مذاق راقٍ لذيق وكل الرقي  
و الفصاحة والإبداع

بما أنك خوّلتني شاعرنا الراقى لهذه المهمة فأنا الآن متشوقة  
لأجوس حياضك وأشم عبير أزهارك فى حداثق إبداعاتك  
ودوحات تفكيرك وغادات روائعك أيها المبدع  
إذ أننى لأعترز بما منحتنيه من ثقتك الغالية فى تدقيق إبداعاتك  
و التقديم لها فى هذا الديوان الرائع الخلاب

كما و أفخر بما أوليتنيه من مسؤولية كبيرة للتدقيق لروائع  
الكتاب و الأدباء في مؤسسة الديوان وطن الضاد و دار ديوان  
العرب للنشر و التوزيع

لقد آليتُ على نفسي أن أكون محط ثقتك الغالية و ثقة الجميع ممن  
يحيطونني بتقديرهم و احترامهم و محبتهم  
لقد سحرني و أخذ بلي ما قرأت في ديوانك هذا و قد كان تتمه  
لروائعك السابقة التي ليس لها نظير و لن يكون لها مثيل  
لم تترك شاردة و لا واردة إلا و تلمستها حروفك بكل حسن  
جميل مفيد و رأي سديد و نصيح رشيد  
فها هنا قد اخترت في هذه الزاوية من الإبداع هذا اللون من الشعر  
لكي تصف الغدر و تعبر عن الخيانة و عدم الإخلاص أجمل تعبير  
من أقرب الناس لك و لأي منا و تنفر من هذه الصفات كما في  
قصيدتك "أنا و الأنا" :

تعيش حياتك باختلاف  
تحب نفسك تعمل جفاف

مع كل جاحد عايش بيغدر  
و الي عرفك عشان مصالح

فتح عنيك أكيد هتعرف  
إن حبايبك مافيهش صالح

نبت بشري بتوع مصالح  
لازم خلاص تاخذ قرارك

وتؤكد هذه الصفات هنا أيضًا كما في هذه القصيدة الرائعة " حجرُ  
القلوبِ ":

حجرُ القلوبِ  
مِسكت بإيدها الودَّع  
قالتلي يَادي الجَدع  
مالك حزين كده ليه ؟!  
دا الدنيا فيها الِبدع  
شايف قايل بعنيك  
وَأبالسة من حواليك

همومك دي هتوديك

لعالم مَاليه الخدع

ويا لروعة ما جاد به يراعك في هذه القصيدة الآسرة و حروفها  
الساحرة رغم الألم و الحزن و أنت تصف حالك و أحوال من في  
الوطن من الذين ساءت ظروفهم و لم يشعروا فيه بالأمن و الأمان  
ولا الراحة النفسية و لا تأمين المأكل و المشرب و المسكن لفئة  
كبيرة من الناس و تُعد من الأهم لأنهم الطبقة الكادحة العاملة  
من أجل الشعب و المجتمع و الوطن كما في قصيدتك المبهرة "حالةُ  
يأسٍ":

حالةُ يأس

قالوا الحياة حلوة

قُلت مش شايف

قالوا الأمل فيها

قلت لهم دا أنا خايف

متغرب جوا أوطاني

مسجون و ابني سجاني

عايش في دور جاني



رغم إني أنا كومبارس  
بشوف بعيني الهلس  
و بعمل نفسي تيواني

ما هو كله عندنا عادي  
و الشطة زي الزبادي  
وإن قلت في يوم الحق  
تصفعني مليون لأ  
أصل الحق في بلادي  
صاحبه تملي إرهائي  
جاسوس كافر و بيعادي  
ملايكة ربنا في الأرض  
حتى لو كانوا تجار عرض

وهنا حروف كلها حكمة و نصيحة و إرشاد و تحيي الأمل في  
قلوب الناس و تنصحهم بعدم السير في الاتجاه الخطأ و تشجعهم

على قوة الإرادة و الثقة بالنفس و عدم الركوع للذل و الخنوع كما  
في قصيدتك :  
عكسُ اتجاهِ

المبادئ كما الدم بتحيينا  
و الي بيظلمنا هدفه يرمينا  
في بحرميت و مأؤه نار  
سيبه يكذب سيبه يخدع  
انس كلامه لو حتى يوجع  
و انس حتى إنه يرجع  
كون حلیم و أوعى تركع  
إياك تضحي بدم طاهر  
كل واحد في مرايته ظاهر  
عارف حقيقته و الي صار

سيبه يرمي جمر ناره  
في يوم هيرجع باعتذاره

يومها ردد و بإيمان : سلام  
السفينة شرعها قال :  
احنا هنمشي عكس اتجاه  
وأكيد هتكون أحلى الحياة  
الفراق هو الدواء للغباء  
و حقيقتنا كلنا مننا فينا

و كما تجلت النصائح الثمينة و الحكم الرشيدة في هذه المعزوفات  
الرقية العذبة في قولك :

يا اللي رامي كل حاجة على الظروف  
أنت أصلاً عايش حياتك خوف في خوف  
إن جفاك مرة جاحد الحياة مش نهر واحد  
جرب وعيشها بشكل تاني مش أناني  
ثقتك في نفسك و بيقين حزام أمان للناجحين  
و الإيمان أقوى سلاح خدها حكمة و بيقين  
خلي اسمك شعاع مضيء تدق به كل الدفوف

\*\*

أوعى تخدع أوعى تغش

أوعى تكون بمليون وش  
الصقر دايماً في السماء  
مالوش في الأرض أي عش

\*\*

من كتر الوجع الكل ملّ  
ومعنى الدفى في القلب قل  
عكس اتجاه ماشية الحياة  
واللي باقي بس حل

\*\*

و هل يبكي إبليس يا تُرى ؟ و ممّ يبكي ؟  
يبدو أن بكاءه بسبب من احتل مكانه من بين البشر و تفوّقوا  
عليه في الشر و هذا واضح في قصيدة : "ليلة ما بكى إبليس"  
حيث فاقت حروفك الروعة و الإتقان في قولك :

و الليلة بكى إبليس  
على حظه التعيس  
و باعت لكم رسالة  
يا بني البشر الخطائين

مين فيكم من بعد محمد  
عايش بقلب رسول  
مين فيكم مبقاش غول  
مين فيكم مش بيكذب  
وليل ونهار بينافق  
بتاكلوا الحوم بعضيكم  
وتحمدوا بعدها الخالق

و مما سحرني وأخذ بلبي قصيدة " مدرسة إبليس " والتي لأهميتها  
كانت هي عنوان الديوان والتي تحلت بالكثير من أغراض الشعر  
من وصف و حكمة و رثاء للنفس ببلاغة و فصاحة و إبداع و  
بيان و قد أبدعت في تجسيد الهموم التي تسير في الشريان و تشبهها  
بالأغلال و القيود كما في قولك

مدرسة إبليس  
ماشي في شريان قلبك  
هموم كما الأغلال  
مين من القلوب حبك  
و كان زي ما قال

و تصف هنا شرور الناس و أحوالهم التي لا تسر أحدًا و تنصح  
الآخرين بعدم التوهم في طيبة القلوب كما يدّعي أصحابها و قد  
اقتبست كلمة "الخناس" من القرآن الكريم لتأكيد صفة من  
صفات إبليس كما في قولك :

ارفع غطاء وهمك

اصحى شوف الناس

كل القلوب عاصية

كل العقول راسية

في كهفها الخناس

\*\*\*\*

هل نعبّر عن العنوان و نمربه مرور الكرام ؟  
كيف يكون ذلك ؟ و العنوان "مدرسة إبليس" هو الركيزة  
الأساسية و المعبرة عما جرى في داخل هذا الديوان الرائع، حيث  
سبرت غور النفس البشرية بأسلوبك التحليلي المنطقي الفلسفي

التعبيري و كأنك قد درست العمق التأثيري في النفوس البشرية  
من المؤثرات الخارجية على قيم الإنسان و مبادئه و أخلاقه  
فكيف بهذه التأثيرات إذا كانت من إبليس نفسه و لذلك فقد  
استنتجت الحقائق بعد ذلك و بلورتها في حروفك الثرية الصادقة  
بأدوات ذاتية و تجارب واقعية رصدتها قلمك ليهرنا و يدهشنا لما  
نقرأ من روائعك و نقول :

لم نكتفِ ، هل من مزيد ؟

و كأن حروفك ترياق الحياة و بلسم الشفاء في عالم مرَدَّ على  
النفاق و الكذب و الغدر و الخداع و كأن البشر جميعاً من تلاميذ  
إبليس في هذه المدرسة الشريرة التي استزادت من الشر و ألفته.  
هل يستزيد الأشرار من الشر لاتساع آفاق الشر و ضيق أماكن  
الخير أم ماذا ؟

يبدو أن دروب الشر هي الأوسع ليس ذلك لضيق دروب الخير كما  
أكدت ذلك في قصيدتك الخالدة و لكن لأن النفس البشرية  
تميل إلى من يلحّ عليها و يطلب انصياعها له ، و هل هناك طرق  
أكثر من طرق إبليس لقيادة الإنسان و إخراجه من دينه و ملّته  
و إنسانيته ؟

أليس هو من أخرج أبويننا من الجنة ؟

أليس هو من تحداهما ليحتنكن ذريتهما و منذ ذلك الزمان

و لحد الآن يفعل ذلك هو وأبنائه وأحفاده لا يكلّون ولا  
يملّون ، لأن هذا هو هدفهم في الحياة  
أليس هو سبب الدمار و الخراب في كل مكان؟  
أليس هو من يدعو إلى الفواحش ما ظهر منها و ما بطن ؟  
أليس هو من يحاور و يداور ليعبدا عن ديننا و هو الذي يدمر  
البيوت و يفكك الأسر ؟  
أليس هو الوسواس الخناس الذي يوسوس في صدور الناس و  
يوسوس للمرأة بخيانة زوجها و كذلك الرجل ، و يبعد الأخ عن  
أخيه و يدعو إلى عقوق الوالدين و يدعو إلى الخبائث و المنكر  
و النميمة و الفتنة و قول الزور  
أليس القابض على دينه كما القابض على الجمر و من السبب في  
ذلك ؟ أليس هو إبليس اللعين ؟  
طريد الجنة و من معه من الجن و الإنس أجمعين

أليس هو من يدعو إلى الجحود و النكران كما في قولك شاعرنا

المبدع :

جحود الخلق يبعيهم

و إبليسهم مقويهم



كنوز الكون ما ترضيهم  
ولا عيونهم في يوم تشبع  
ولا قلوبهم في يوم تخشع

فعلاً هذه هي مدرسة إبليس التي أكدت عليها بحروفك الهادفة  
الرائدة وبالذليل القاطع وقد شخصته و جسدت منه أستاذًا  
شريرًا يعطيهم دروسًا في الفساد والانحلال الخلقي كما في قولك :

تلاميذ في رحاب إبليس  
وإبليس أكيد شاطر  
عارف أن البشر  
جنس نمرود و خبيث

وما أبدع قولك شاعرنا الراقى للتأكيد على التعليم الفاسد حتى  
النهاية أن إبليس لم يكتفِ بالتعليم الابتدائي والثانوي فقط بل  
مهد لهم حتى امتد التعليم السيء إلى الجامعة الفاسدة التي فتحتها  
إبليس بالمجان ليكون المشرف على فسادهم والقذوة والمثل الأعلى  
لهم حتى الثمالة كما في قولك :

فتح له جامعة بالمجان  
محاضرتها في النكران  
خلى القلوب بتسجد له  
أحفاده عايزه توصله  
عشان هو قدوتهم  
ورضاه أهم غايتهم

يا لك من مبدع متميز في تصنيف الناس حسب أخلاقهم ، فها  
أنت هنا تضع أتباع إبليس و تصفهم بصفاتهم الحقيقية من  
الكذب و الخداع و الغدر حسب خبرتك فيهم و تجاربك التي  
مرت معهم و معرفة فسادهم و ظلمهم حيث تقول :  
جنس لعين كذاب  
بيخلق الأسباب  
عشان يكون على حق  
يلون كذبه بصدق

و من فسادهم أن أحدهم يكون كمن أخذته العزة بالإثم فإذا  
اعترض أحد كلامه يكون المعترض هو المذنب و سيعلن عليه  
الحرب بأبشع صورها  
كما في قولك :  
عارض وقول لأ  
تبقى ارتكبت أعظم ذنب  
و يعلن عليك الحرب

أما في حال يكون أحدهم بحاجة لك فيتظاهر بالطيبة و كأنه  
ملاك و يخفي غير ما يبطن  
ويبدأ بالإرشاد و النصح و المواعظ الدينية التي لها أول و ليس لها  
آخر كما في قولك :  
في لحظة يكون له جناح  
و يتلون بلون أبيض  
و يتخيل نفسه ملاك  
و يتحول واعظ ديني

وهنا يأتي دورك الحاسم في صده و الرد عليه بكل قوة وإرادة و  
شجاعة ناهياً له عن إلقاء مواعظه عليك و أن يعود لأصله، ليرى  
من هو قبل أن يهدي الآخرين و ينصحهم، فلينصح نفسه ، و  
يحاسبها قبل التعرض للآخرين و قد كانت حروفك لاذعة موقفة له  
عند حده و ذلك في قولك :

يا الي فاكر إنك ملاك

قبل ما تهديني

وترشدني

لأجل ما تحميني

حاسب في يوم نفسك

ارجع تاني لأصلك

و في هذه الأبيات اقتباس من الحديث النبوي الشريف : " خيرُ  
الخطائين التوابون " و قد دعمت فكرتك و أسندتها بهذه الكلمات  
و ذلك لإعادته لرشده و لتحثه على التوبة و الرجوع إلى الله  
سبحانه و ترك ما هو فيه في قولك :

و اعرف إنك بشر خطاء

و خير الخطائين التوابين

مش الجارحين ولا الجاحدين  
مش المتكبرين ولا الناكرين  
أما هنا فقد أثبت الحقيقة و طبقتها على أرض الواقع أننا نقول: أننا  
جميعاً مظلومون ، وفي نفس الوقت تتساءل : إذا أين الظالمون ؟  
و تجيب على سؤالك بنفسك كما في قولك:  
أنا وأنت وكل الناس  
لسان حالنا  
" أنا مظلوم أنا بنداس "  
فلو كلنا مظالم  
فين الظالمين ....؟؟!!!!  
سؤال ملوش إجابة  
عند البشر  
لو لسه بينا بشر

وأخيراً تثبت بأن جميع البشر شياطين وأن الجميع ظالمون و  
ليسوا مظلومين وأن الجميع مارس عليهم الشيطان سلطته و  
أوامره حتى أصبحوا تلاميذه الخانعين الفاسدين الماكرين الخبثاء  
الي اتخلق من طين

ولى من سنين  
و مافيش إثبات  
إننا لسه بني آدميين  
كلنا شياطين  
كلنا ظالمين  
كلنا تلاميذ إبليس  
يا له من إحساس رهيب ويا لها من مشاعر متلاطمة و عاطفة  
صارخة التي تراكت عبر الزمن و خضعت للكثير من التجارب  
مع الآخرين حتى تكوّنت لديك هذه الأفكار التي لا يمكن أن  
تكون قد حصلت من فراغ أو مجرد خيال

يا لروعة اختيارك شاعرنا الراقى لهذه الموضوعات الهادفة الرائدة  
التي قصدت فيها إرساء القواعد السامية و الأخلاق الحميدة و  
الصفات الكريمة في النفوس و البعد كل البعد عن إبليس و أفعاله  
و التحذير من الانصياع له بأسلوب رائع ينفر من الفساد و يدعو  
النفوس للاشمئزاز من فعله و الدعوة إلى سبل الخير بتهذيب  
النفوس و تعويدها على النقاء و الصفاء

\*\*\*\*

كما عودتنا شاعرنا المبدع على أن تنتظر حروفك بفارغ الصبر  
لأنها وقود الأرواح ولأنها وجبة دسمة تغذي العقول وتهذب  
النفوس وتشرح الصدور  
كتبت فأبدعت ونثرت فأمتعت وشدوت فأطربت وأجدت  
فأسعدت بأسلوب سلس عذب رقيق من شعر العامية الذي تميز  
بالنقد البناء لمجتمع يسوده الفساد كأني مجتمع آخر وغايتك  
الإصلاح وتصحيح الأوضاع قدر الإمكان  
أجدت في اختيار الألفاظ الجزلة والتراكيب اللطيفة بما يناسب  
الحدث، ببناء محكم ومعنى سام رفيع عدا عن المشاعر الصادقة  
والعاطفة القوية في حب الوطن والسعي الحثيث من أجل إسعاده  
وإسعاد أهله  
أبدعت أيما إبداع في اختيار بوتقة من القصائد التي امتازت  
بالفصاحة والبلاغة والبيان وما تداخل فيها من تشبيهات  
واستعارات وكنيات ومن محسنات بديعية من جناس وسجع  
وطباق وكماتٍ حسانٍ اقتبست من القرآن أضفت على النصوص  
المزيد من الروعة والبهاء والإتقان بلغة فصيحة ونباهة ومهارة

و براعة بحروف مموسقة و جرس عذب رنان بريشة شاعر راق  
ماهر متميز فنان  
أتمنى لك دائماً المزيد من التألق و الإبداع شاعرنا الرائع رعاك الله  
هنيئاً لنا و للغة العربية بك و بحروفك الرائدة التي رفعت سقف  
الإبداع حتى طالت السحاب  
إلى الأمام دائماً و الله يحفظك ويرعاك

نجاح العالم السرطاوي





## أنا و الأنا

نفسى أصاحب حد جاحد  
طباعنا تبقى تملي واحد

وأما خيري في يوم يزن  
وألقي قلبي لحد حن

يبني فوقى ألف سجن  
دليل براءتك تبقى جاحد

سفينة كل الي فيها غرقى  
ولا حد عنده حاجة فارقة

أقرب ما لك عَضوا إيديك  
نسيوا أما كانت طوق نجاة

أما وهبت قُبلة حياة  
أما شالت تلال دموع ويّا آه

نَفَسَكَ لِسَه بيجري فيهم  
حسوا يوم إنه سرقة

وأنت لسه قلبك عليهم  
أي طيبة جزاءها حُرقة

أنا وأنت لسه مش طبع واحد  
ولا أنت قادر تبقى جاحد

أرض بُور مُحال هتعمر  
طول ما القلوب أسود وأصفر

الطيبة زرعة ملهاش حصاد  
نفسي نفسي هي السِّماد

اللي عايش به العِباد  
فإزاي هتبقى غصن أخضر

جوا أرض حلفت ما تَعمر  
وف باطنها نار بتسعر

هتعيش بلونهم و تبقى جاحد  
و لَّا مصمم تعيشها زاهد

ركز هتعرف إن احنا واحد  
بس أنت رافض الاعتراف

أعطي المبادئ جرعة مخدر  
ألامها صعبة لكن هتقدر

تعيش حياتك باختلاف  
تحب نفسك تعمل جفاف

مع كل جاحد عايش بيغدر  
واللي عرفك عشان مصالح

فتح عنيك أكيد هتعرف  
إن حبايبك مافيهمش صالح

نبت بشري بتوع مصالح  
فلازم خلاص تاخذ قرارك

يا تبقي بينهم بنفس لونهم  
قاسي و جاحد و نبقي واحد

يا فراق ما بينا و كمل مسارك  
واتحمل أنت ما جرى لك

\*\*\*\*

## حجرُ القلوبِ

مِسْكَتْ بِإَيْدِهَا الْوَدَّعَ  
قَالَتِلِي يَإَدِي الْجَدَّعَ

مَالِكُ حَزِينٍ كَدَهُ لِيهِ ؟!  
دَا الدُّنْيَا فِيهَا الْبِدَّعَ

شَايَفَ قَابِيلَ بَعْنِيكَ  
وَأَبَالَسَةَ مِنْ حَوَالِيكَ

هَمُومُكَ دِي هَتُودِيكَ  
لِعَالَمِ مَالِيهِ الْخُدَّعَ

غَمَضَ عَيْنِيكَ وَانْأَسَى  
لَجَلٍّ فِي يَوْمِ تَرْسَى

عَلَى بَرِّ كُلِّهِ أَمَانَ  
مُوَوَّدَ فِيهِ الْوَجَعَ

مبادئنا والأخلاق  
مربوطة بحبل نفاق

قالوك الأنبياء  
عن كل شيء صدع

أم بترمي وليد  
في بحر الحياة القاسية

وابن عاق وعنيد  
وناس كثير عاصية

الصورة دي جواك  
بلون سواد الليل

أحزانك حاضنة هواك  
فمركبك راسية

في جزيرة الأحزان  
بشر بشكل الجان

زومبي في كل مكان  
كبدية الأكوان

حاسة بك يا حزين  
مش عارف طريقك فين

لا عارف تعيش أيوب  
ولا حتى تبقى هاما

محتاج عصا موسى  
بين إيديك تسعي

تفجر عيون الخير  
تزرع رحاب واسعة

تنحت كمان في الصخر  
عايز معجزات تسعة

تكبح لجام الشر  
وتبني قصر ضمير

تصحر أراضى المر  
وتعمر قلوب بالخير

تنهي حروب الأرض  
وتحرر كل أسير

تملأ ديارنا سلام  
وتحيى رميم أحلام

قتلها جحود القلب  
فيرجع كيان الحب

ونبقى ببراءة الطير  
ورايتنا حب الغير

قلبك أكيد طيب  
لكن الصورة وهمية



عصر المعجزات ولّى  
و ما فيش عصا سحرية

بإيدك سلاح أقوى  
خلاص للبشرية

إزرع في كل الكون  
بذور الإنسانية

يوم ما تطرح ثمر  
هتعود القلوب حية

وتبقى الحياة جنة  
منزوعة من الدنيوية

ويعود بنا آدم  
للأنهار السماوية

\*\*\*\*\*

## حالة يأس

قالوا الحياة حلوة  
قُلْتُ مش شايف  
قالوا الأمل فيها  
قلت لهم دا أنا خايف

متغرب جوا أوطاني  
مسجون و ابني سجاني  
عايش في دور جاني  
رغم إني أنا كومبارس  
بشوف بعيني الهَلَس  
و بعمل نفسي تيواني

ما هو كله عندنا عادي  
و الشطة زي الزبادي

وإن قلت في يوم الحق  
تصفعني مليون لأُ  
أصل الحق في بلادي  
صاحبه تملي إرهابي  
جاسوس كافر وبيعادي  
ملايكة ربنا في الأرض  
حتى لو كانوا تُجارِ عرض

لا الحق في الحياة نافع  
ولا الصمت كمان شافع  
وفي وسط بحر أحزاني  
راودني فكر شيطاني

قالوا ربنا إله عادل  
فين العدل في الدنيا  
والظالم هو سلطاني  
والسارق فارس لأحلامي

و الكذاب مع الديوث  
بيخططوا لشكل أيامي  
مطلوب بحور من الصبر  
من المهد حتى القبر  
ولو عاجز أكون صابر  
في زمن خسيس غادر  
أبقى أنا الخسران  
الدنيا والآخرة  
كوميديا أكيد ساخرة

إيه يكون العدل  
والشيطان فيها حاكم  
و هموم الشريف بتتراكم  
لجل يرتاح الأفاقين  
ويحج ويعتمر المرتشين  
بقي هو ده العدل.....؟؟!!!!

أيوب صبر وربنا نجاه  
ونجاته كانت في الحياة  
يوسف صبر وربنا نجاه  
ونعيم ومُلك أتاه  
عيسى صبر وربنا رفعه  
ومن الهلاك حماه  
محمد أفضل الخلق  
ربنا حبه واصطفاه

إبليس عصى وربنا طرده  
من الجنة والمنبوذ سماه  
فرعون اتكبر ربنا غرقه  
وجسده آية مدى الحياة

ما بينا كام إبليس بيتكبر  
وكم فرعون وكم نمرود  
وكم يوسف وكم أيوب  
وكم مغلوب على أمره

عمره ما حس ساعة بعمره

إن كان هو ذا العدل

فالعدل أكيد مصلوب

و أنا رافض بنود العدل

ولا مؤمن كمان بها

ومش هَصْبِرْ نفسي

بكلام أوهام أعيش فيها

قوم موسى كثير جادلوا

عايزين إثبات ورا إثبات

و أنا طالب يدوب إثبات

عشان أقدر أعيش أيوب

و أصدق إن دا مكتوب

و أتحمل جبال الظلم

و أنسى بحور الهَم

و عشي يبقى في الآخرة

أما أشوف في ناس عبرة

لكن لا عبرة ولا آية

يبقى إلحاد حق النهاية

مش هعيش تخاريف  
ملهاش أي أساس  
وناس كتير عايشة  
فوق رؤوس الناس

و مش باقي أي بديل  
يا العدل يكون لي دليل  
يا تحطيم لكل ما كان  
و ثورة على الأديان  
و أعيش بفكر عقلائي  
في دنيا نبت شيطاني

\*\*\*\*

## ليلة ما بكى إبليس

الشعر مات و مافيش بحور  
ولا في قوافي تمل السطور

إحساس ظلام ولا في كلام  
يقدر يقيد في العتمة نور

وإن كنت كامل ولّا بسيط  
كفيف بتخبط في كل حيط

ولو أنت وافر خيرك كثير  
ولّا سريع في حب الغير

هتعيش أسير في بيير ظلام  
هيفيد بأيه كل الكلام والملام

و أنت رمل في قاع محيط  
محال تشوف أي نور



مش عشان بس غويط  
لكن لأنك غصب عنك

عايشها رجز مش مغفور  
فإزاي تعيش الحياة مسرور

ولمين تقول أنا رمز الخير  
أنا مني بيوت لله

بتبني في قلوبكم حياة  
وإن كنت في وقت أداه

تصنع إله من حجر  
أنا أيه ذنبي لوموا البشر

ليه ألبس عباية شيطان  
و أنا الهزج في ربيعكم

علامة صبر لأوجاعكم  
ليه تملي أطماعكم

عن الحقيقة بتعميكم  
موسى في التوارة موصيكم

الوصايا العشر تكفيكم  
وعيسى في الإنجيل

بكل كيانه بيبيديكم  
وأفضل البشر شفيعكم

قال لكم تركت فيكم  
كنز الكنوز تركه لكم

ولسه الأمانة بتغويكم  
وبترموا كل أوزاركم

على إبليس  
والليلة بكى إبليس

على حظه التعيس  
وباعت لكم رسالة

يا بني البشر الخطئين  
مين فيكم من بعد محمد

عايش بقلب رسول  
مين فيكم مبقاش غول

مين فيكم مش بيكذب  
وليل ونهار بينافق

بتاكلوا لحوم بعضيكم  
وتحمدوا بعدها الخالق

والظلم ساد أراضيكم  
ويأيديكم بتهدوا العقول

وبتبنوا اللات والعزى  
تاني من جديد

لكن مش في المعابد  
دي أطماع الدنيا

الي ماشية في الوريد  
الي خلت ماضيكم بعيد

يا بني البشر الخطائين  
وزركم منكم فيكم

و الظلم صناعة إيديكم  
مش كل حاجة

نقول الملعون إبليس  
لأن بينكم مليون إبليس

طول ما أنتم أهواء  
و مش بتحبوا بعضيكم

و حب الحياة بيلهيكم  
و ميت فيكوا الضمير

متنظروش أي خير  
يجي في يوم لكم

كفاية متظلموش إبليس  
وطهروا قلوبكم بماضيكم

\*\*\*\*\*

## ملاك النور

السواد .....

لون و طاغي ع العباد  
استعمر قلوب البشر  
حولها في ثواني لحجر  
و الملايكة في أرضنا  
صبحوا بأعداد المطر

الكل متبري من حاله  
مصمم يصدق خياله  
و يعيش في دور ثاني  
مع إن خلقته الرباني  
مكرماه و هو بشر

فمهما يكون حالك  
كل حاجة رجعالك  
هتكون ملاك بقناع  
هتشرب كأس الخداع  
هتكون بشر إنسان  
بقلب مش صوان  
هتنول رضا الرحمن

وما أعظم رضاه  
بلسانا بنتمناه .....!!  
وقلوبنا مش عيزاه  
إلا.. من رحم ربي  
من خَلَقَ شيطانه غواه  
وبقيناه على الأعراف  
لا ملايكة ولا شياطين  
ولا حتى بشر من طين  
نسبنا حقيقي إحنا مين  
ظلام كبير بإيدنا صنعناه

لكن وسط الظلام شعاع  
بيرجع ثاني الحياة  
عشان يحسم صراع  
و تقول : ده رضا الله  
ساعتها تحس بسعادة  
إن لعملك صداه  
و كان هو طوق النجاة

شعاعك بيكونله اختلاف  
سيف للعدل والإنصاف  
حتى إن كان بعيد  
بيكون قلبك سعيد  
له تأثير عجيب  
بستان مليان زهور  
شلال سعادة و سرور

بيرمم دايمًا جراحك  
بيخلي ليلك صباحك  
بتحسه حقيقي ملاك  
بيهمه دايمًا هنّاك



جاي من خارج المجرة  
يخلي الحياة مش مُرة

يزرعلك م الخير بذور  
تطرح ثمر مسحور  
خليط سعادة وأمل  
مش بالكلام بالعمل  
كنز لو في الكون تدور  
مش هتلاقي له مثيل  
ولا ينفع يكون له بديل  
هو في بديل للنور..؟  
وإن كان له حتى بديل  
شعاعك مش بس نور  
دا رمز يشرح صدور  
خلاصة أرقى العصور  
دمج لكل العـطـور  
أروع بساتين الزهور  
اسمه بينا في الحياة  
....ملاك النور....

## يقين

لا أنا كافر ولا ملحد  
ولا عاصي  
ولا جاحد ولا قلبي  
في يوم قاسي  
ولا هتلون بألوانكم  
خلوا الغل سجانكم  
صوروني بأوهامكم  
براحتكم زي ما تحبوا  
دالو بتعرفوا تحبوا  
فبيكم ولا من غيركم  
مكمل و مركبي ماشي  
و شراعي متشوفوش عينكم  
و على بر أحلامي  
أكيد في يوم راسي  
موتوا بغيطكوا جواكم  
و حسبي الله ما تنساكم

## جَنَّةُ الْمَوْتِ

سَيِّبَتِي الْجَنِينَ يَكْبِرُ  
مَعَ إِنَّهُ حَمَلَ سِفَاحَ

مِنْ حَبْلِكَ السُّرِّي  
رَوَّيْنِي بِالْأَفْرَاحِ

فَاتَتْ شَهْرَ تِسْعَةٍ  
وَأَنَافَ رَحَابِ وَاسِعَةٍ

وَلَا فِيهَا أَيُّ ضَبَابٍ  
اسْتَنَى لِيهِ الْإِنْجَابُ

وَالدُّنْيَا وَيَاكِ  
جَنَّةُ خُلُودِ شَاسِعَةٍ

فَاتُوا كَمَا نِ تِسْعَةٍ  
وَتِسْعَةٍ وَرَا تِسْعَةٍ

يا مَشيمة حامياني  
م الدنيا كفياني

هطمع بإيه تاني  
يا حورية م الجنة

يا شهد رباني  
ونور من الجنة

يا مهد الحياة الواسعة  
يا ثغر الحياة الواسعة

وزي كل الناس  
يجي طبيب شاطر

يفتح بلا إحساس  
فيسيب الجنين رَحِمه

ويحس بمخاطر  
ما كان لها خاطر

ويشوف ظلام ماشفوش  
يسأل هو كان مغشوش

ولّا هو دا أصل الحياة  
ولّا هو دا أصل الحياة

عارفة الطبيب كان مين  
كان الطبيب أنتِ

صابك جحود بهجين  
م الجن والشياطين

سميتك أنا جنّة  
عشان في يوم كنتِ

ملاك وله جناحين  
وعايشة في الشرايين

يا وَهُمْ داوى الآه  
يا وَهُمْ داوى الآه

عِشْتَكَ أَنَا أُوْدُنِيس  
كَنت لي "يِفرلي أَلِيت"

لا نبي ولا قديس  
هستحمل التوابيت

ولا أَنْتِ قميص يوسف  
هيردلي بصري

أهون أعيشها كفيف  
يفارقني نبض مخيف

إنك هتكتي العرض  
بقلي هتكتي العرض

لا قادر أعيش بعدك  
ولا قابل حتى أرجعلك

ولو تنزل نجوم السما  
في يوم ع الأرض

أسهل كثير جدًا  
ما يكون لي حبك فرض

وأرتل من تاني أبياته  
أمارس طقوسه وصلاته

رجولتي وكرامتي  
لو بإيدي في يوم ماتوا

أكرم لي تراب الأرض  
أكرم لي تراب الأرض

\*\*\*\*

## سؤال...؟؟؟

إزاي قادرة تفهميني  
رغم البعد بينك و بيني

دا احنا بينا كثير بحور  
يمكن مسافة ألف سور

وبرغم كل الظلام  
قدرتي تشقي درب نور

قدرتي منه تعرفيني  
قدرتي حتى تحفظيني

سنين عايشها بين القبور  
كتاب بالأحزان مسجور

و أنتِ قدرتي تفتحيه  
تعرفني كل اللي فيه



تطهره من كل الكسور  
قدرتي تخلي العتمة نور

وانتهى عهد التصحر  
أما نبضك حول أنيني

لنهر خير عشان يرويني  
فعاد الربيع لبساتيني

لكن لسه بسألك جاويني  
إزاي حقيقي بتفهميني؟!

\*\*\*\*\*

## مدرسة إبليس

ماشي في شريان قلبك  
هموم كما الأغلال  
مين من القلوب حبك  
وكان زي ما قال

ارفع غطاء وهمك  
اصحى شوف الناس  
كل القلوب عاصية  
كل العقول راسية  
في كهفها الخناس

جحود الخلق بيعميهم  
وإبليسهم مقويهم  
كنوز الكون ما ترضيهم  
ولا عيونهم في يوم تشع  
ولا قلوبهم في يوم تحشع

تلاميذ في رحاب إبليس  
وإبليس أكيد شاطر  
عارف أن البشر  
جنس نمرود و خبيث

فتح له جامعة بالمجان  
محاضرتها في النكران  
خلى القلوب بتسجد له  
أحفاده عايزه توصله  
عشان هو قدوتهم  
و رضاه أهم غايتهم

جنس لعين كذاب  
بيخلق الأسباب  
عشان يكون على حق  
يلون كذبه بصدق  
عارض و قول لأ  
تبقى ارتكبت أعظم ذنب

و يعلن عليك الحرب  
في لحظة يكون له جناح  
ويتلون بلون أبيض  
ويتخيل نفسه ملاك  
ويتحول واعظ ديني  
يا الي فاكر إنك ملاك  
قبل ما تهديني  
وترشدني  
لأجل ما تحميني  
حاسب في يوم نفسك  
ارجع تاني لأصلك  
واعرف إنك بشر خطاء  
وخير الخطائين التوابين  
مش الجارحين ولا المجاحدين  
مش المتكبرين ولا الناكرين

أنا وأنت وكل الناس  
لسان حالنا  
"أنا مظلوم أنا بنداس"  
فلو كلنا مظالم

فين الظالمين ....؟؟!!  
سؤال ملوش إجابة  
عند البشر  
لو لسه بينا بشر  
الي اتخلق من طين  
ولى من سنين  
و مافيش إثبات  
إننا لسه بني آدميين  
كلنا شياطين  
كلنا ظالمين  
كلنا تلاميذ إبليس

\*\*\*\*\*

## إبليس يعتزل

بججم كل الوجع  
و باسم كلمة آه  
عمر ما قلبي خدع  
ولا كنت مرة أداة  
للقتل والتحطيم  
تملي قلبي رحيم  
راضي بالأقدار  
مكمل المشوار  
هدي في كل الناس  
بصدق وبإخلاص  
إزاي أكون خناس  
وقلبي شبه جحيم  
عشان بقول حاضر  
ملعون أبو حاضر  
ملعون أبو نعم  
لازم أقول لأ  
وامشي عكس الحق

وأكون حقيقي إبليس  
يمكن نزول الآه  
وأحس بطعم حياة  
لا عرفتھا مرة  
ولا حتى حسيتها  
على طول كده مرة  
و جراجي خبيتھا  
ورسمت ضحكة وهمية  
بسمع وجع غيري  
وأشوف ألم غيري  
أبكي عشانه  
أحس احزانه  
وفي نهاية المطاف  
....إبليس.....  
إبليس خلاص تاب  
مش هيقول نعم  
ولا من عنية أفديكم  
راحل عن فتاويكم  
و الشهد لو كان كأس

يوهبه أعز الناس  
فالسّم أرحم لي  
والموت بكرامة  
أفضل لإبليس  
إنه يعيش إبليس

\*\*\*\*



## مظاهر كذابة

مين في حزنك جه يواسي  
يلا قولها لأ..... مافيش

تملي واقف في الحياة  
هو أنت رافض ليه تعيش

هتقولي طيب عايش بسامح  
كل قاسي و كل جرح

أنت شُفت في وقت جرحك  
حد فكر يوم يسامحك

رغم أنك عايش مسالم  
في الختام في زي ظالم

اسمع مني كلام حياة  
أوعى في يوم أبدا تنساه

الغريب خليه غريب  
متكررش الغلطة تاني

والي يرحل سيبه يرحل  
جرب مرة تكون أنا في

كل واحد في الحياة  
من جواه حابب يعيش

عيش بعقلك حب ذاتك  
عشان مماتك بعده مافيش

وكل محنة عشت فيها  
أثبتتلك شيء أكيد

كل حد حسيته منك  
طلع حقيقي ميساويش

\*\*\*\*\*

## قول يا رب

قول يا رب متخافش  
دا كل شيء مكتوب

تعجبك او متعجبش  
قدرك أكيد محسوب

وفي خالق بيختبرك  
عايز يمتحن صبرك

هتقدر تكون إنسان  
لسه في قلبه إيمان

في زمن فيه بنتعري  
من جوا قبل من برا

مافيش مرة نتحري  
من أفعى صايبة لسان

بترمي السم بالباطل  
و بتجادل و بتماطل

عاميها جند شيطان  
فقول يا رب متخافش

في خالق ميظلمش  
حاميك لو في أبعد مكان

\*\*\*\*

## درس قاسي

أما تمسك ريشة واهية  
وبها ترسم صورة ملايكة  
وفجأة تطلع الملائكة  
مش ملايكة  
يبقى العيب  
أكيد في إيدك  
وف غباء  
ماشي ف وريدك  
لو تلوم  
متلومش غيرك  
حبست نفسك و بعباء  
في المبادئ و الوفاء  
هتقول دواعي شايفها كافية  
القلب طيب و النية صافية  
يا عم أنت  
نيتك يعرفها ربنا  
وكل بشري

هيقولوا مش ذنبنا  
و أنت لسه مُصر تشرب  
من كأس غباء  
الي باعت في يوم ضفيرة  
بقلب راضي تكون أسيرة  
عشان حبيبها  
كانت زوجة نبي  
فمتبقاش غبي  
الكل واحد من يوم الخليفة  
على كل 100 مليون  
هتلاقي نفس واحدة بريئة  
لازم تشوف عينيك الحقيقة  
مافيش حد باقي  
والي باقي هي نفسك  
والي بيمل عليك شروطه  
أكيد ده حقه  
لأنك عطيته  
أكثر من كل حقه  
ف مافيش حد خااك

ولا حد كسرک  
أنت الي مخطيء  
في حق نفسك  
أما رسمت عكس زمانک

\*\*\*\*

## إعدام ميت

لست لك ألف ذكـرى  
وف قلبي لك مليون عتاب

عايزني عادي أنسى بُكرا  
وأبقى صخرة في العذاب

سهلة جدا لها فكرة  
حُط قلبي في التراب

واكتب بين كشوف الخلق  
إن روحي خلاص غياب

وإن جسمي مش بتاعي  
قول عليه إنه صناعي

ولّا أقولك حل تاني  
قول عليا زرع شيطاني



ناسي أصله رامي نأسه  
مَترعرعش من أساسه

قول عليا من الدواعش  
أو حتى مين هما داعش

دا اللي زيي نار جهنم  
وإن البعد عنه مَغْنَم

وَلَا أَقُولُكَ آخِرَ كَلَامٍ  
قول دا مات والسلام

\*\*\*\*\*

## سعي الحياة

بضحكة موجوعة من سخرية القدر  
من قلب بفعل البشر تحول حجر  
هرجع وأقول ثاني يا دنيا سجناني  
ورا قضبان الوجد ليه لسه فكراني  
هو أنت مزهقتيش من كتر أحزاني  
دا لو بيني وبينك تار كان انشطر.....

كل حاجة فيك مبقيتش مستاهلة  
لكننا عايشين رغم إن الحياة جاهلة  
متعلقين فيك بحبال صبر وهمية  
و مها تكون فينا النية أيامك معدية  
على رقابنا بتدبحنا بسكينة مصدية  
هو احنا حقيقي بشر ولا قطع حجر.....

ماسكة ليه إيدنا و مكتفانا بقسوتك  
و أما تضمينا عشان نحس حنيتك  
تكون ضمتك كأَن بيضمنا قبر  
معندوش أي صبر يكسر ضلوعنا  
يخلطنا يرجعنا يزيد تملي أوجاعنا  
و إن قلنا شعبنا تقولي " لأ " انتظر.....

تاخذينا و ترمينا بين حجر الرحايا  
و تكون النهاية كما كل الحكايا  
قلوب مطحونة من الجحود والغدر  
و ناس بتخلق لنفسها مليون عذر  
و تموت الرحمة و ينقرض الصبر  
بقيتي خريف و احنا ورق الشجر.....

يا عامية الكل بشهواتك يا غدارة  
يا مخلياهم بدون الخمر سكارى  
كملي دورك و اسرقهم حولهم

خلي نفوسهم دايمًا بالسوء أمارّة  
حفظيهم إن كل حاجة بالشطارة  
وإن الأخلاق جزء من سقر.....

بقيتي في عيني أرض مهجورة  
وأنا زادي في كنانة معمورة  
بسهم الزهد فيك قررت أرميك  
ولو بحور الشهد تقدميها فتبقيك  
فشهدك جمر لأن الشر بيرويك  
وكل الي بينا خلاص انصهر.....

\*\*\*\*

## الحن حزين

في إيه لسه باقي يا دنيا مخبياه  
الفرح فيكي نقطة و الحزن لمنتهاه

قالوا الدنيا حلوة و لكل قلب غنوة  
ملقيتش لحن قلبي ملقيتش الإجملة

روح غادر الحياة  
ما تغادر الحياة

انسى الأحلام يا طيب و عيش فيها أسير  
أو متكونش طيب هتعيش عيشة أمير

ما فيش أبيض و لا أسود و الألوان كتير  
و الناس متلونة عشان تعرف تعيش

عاشقين شكل المظاهر و الغش و الخداع  
قابلين يختاروا سكة آخرتها لازم ضياع

الفرح في قلوبنا دايب و حباله مقطعة  
بنرسم ضحكة واهية و عيوننا مدمعة

و يوم ما عيوننا تضحك قلوبنا تلاقىها باكية  
و لسان حالنا خايف يقول " يا رب خير "

بنشوف الفرحة كأنه بينا عابر سبيل  
احنا كرهنا الفرحة و لَّا مش متعودين

و لَّا احنا حقيقي موتنا و الباقي جسد حزين  
مشتاق لروح مفارقة من عشرات السنين

\*\*\*\*\*

## السطر الأخير

ارفع حزام الأمان متخافش من الحادثة  
ادخل طريق السلام لو الشياطين جالسة

الي خلقك عالم بنواياك فيقين هيكون وياك  
ادعي يلهمك البصيرة هتشوف في الأنام كارثة

هتلاقي وسط موج الحياة عيون تايهة و غرقانة  
وعقول من كتر كلمة آه من غير خمر سكرانة

وأرواح في الفضاء طيارة يا ولداه لسة غفلانة  
وهتلاقي قلوب متعلقة في حبال أصلها دايب

كل الي فيها عن الحقيقة متخدر أما بقى غايب  
حتى خدود الزهر من الأسى باهتة ألوانه

حتى رحيق الورد بتمتص الفراشة كل أحزانه  
بقينا شيء تاني مالوش معنى ولا مضمون

و سِـمَات بـلـتـبـسـنـا كـمـا جـنـي فـي بـيـت مـسـكـون  
و أـطـمـاع بـتـحـبـسـنـا فـي سـجـن و مـالـوش أـبـواب

داخـلـيـنـه كـدـه بـكـيـفـنـا مـن غـيـر مـا نـعـمـل أـي حـسـاب  
و م الأخر هيجي سؤال "ليه بعدنا عن ربنا ؟"

بقت كلمة على لسانا لا هي جـوانا و لا بـتـسـكـنا  
بنقولها في لحظة ضعف و بعدها هوانا يلجمنا

ما تيجوا مرة نتجرأ ونعمل للفيلم "فلاش باك"  
نعيد من تاني ترتيبه و نعمله كمان مونتاج

مشهد بداية في الجنة و إبليس ساكنها ملاك  
لكنه في لحظة اتكبر صبح مطرود بغير إيلاج

ليه يا عباد بنتعالى و ميراثنا يكون لشيطان  
ما تيجوا يلا نحذفها من حياة بني الإنسان

و نصور المشهد الثاني بلا غرور أو عصيان  
مشهدنا دا لآدم و من ضلعه خلق حواء



تكون له الدعم والقوة والتد في الهذيان  
أمر الملائكة تسجد له وعلمه كل الأسماء

وهب م العمر لأحفاده وفَمَعاده ما كان قانع  
وجدنا من بعده وبقي لنا ف الدنيا مطامع

لعب إبليس برأس حواء لأنها الأضعف  
فكان الطرد م الجنة كما إبليس عشان نضعف

\*\*\*\*

## عيش لنفسك

عيش يا قلبي في دنيا ثانية  
عيش حياتك ثانية ثانية  
انسى ألمك وانسى جرحك  
هد حزنك وابني فرحك  
نفسى تعيشها مرة أناني  
حياتنا مرة مش راجعة تاني

الوشوش حقيقتها بانـت  
عيش و ملح وعشرة هانت  
أوعى تاني لحد تصفى  
أو تصدق آسف و آسفة  
لو قلوبهم كانت عشاني  
ما اتمنوا جرحي لو ثواني  
نفسى تعيشها مرة أناني  
حياتنا مرة مش راجعة تاني

نار وقيادة فينا يا قلبي  
لا هو ذنبك ولا حتى ذنبي  
كل اللي قُلنا عليه حياتنا  
يسقط قناعه ويطلع مماننا  
إحنا شرعنا مش للزمن ده  
الموج دا عالي فبلاش معاندة  
نفسى تعيشها مرة أنا ني  
حياتنا مرة مش راجعة تاني

آخر حوار خلاص ما بينا  
لا تبقى لِيهم ولا يبقوا منا  
ما فيش بذور في الصخور  
ولا مَية عذبة في البحور  
حلال عليهم كل هزيل  
ويلا نعلن إحنا الرحيل  
نفسى تعيشها مرة أنا ني  
حياتنا مرة مش راجعة تاني

\*\*\*\*\*

## فصام

أوقات تكون مقسوم ل 100 إنسان  
من الغربية من الوحدة من الحرمان

فترسم ضحكة وهمية تداري دموع  
تكتب حروف على المية بكل خضوع

أنا سعيد أنا فرحان أنا خالي من الأحزان  
بتكذب أو بتتجمل أو عشان تكون أقوى

ليه على نفسك بتستقوى و ليه غفلان  
حاول تكون حبيب نفسك بلاش يأسك

يسرق الحلم والفرحة يبني دموع جارحة  
و كون واثق إنك متعرفش ترضي إنسان

\*\*\*\*\*

## علامة إكس

علامة من حياتي تملي ملغية  
لأنني بتعامل بالقلب والنية  
لا فكرت في خاين ولا غدار  
تملي بخلق الأعذار  
لأجل يبقى الليل نهار  
عايش الحياة بطريقة سلمية

ناداني قلبي وقال لي اكتب بحريّة  
لبيت النداء وكتبت سطور حياتي  
اتهز قلبي وبكى ولقيته اشتكى  
قال لي شوف الي كتبه و الي عشته  
لقيت حروف حياتي أشبه بمرثية

الفرح فيها كلمتين  
من عشرات السنين  
والحزن فيها تلال دائمة كأنها محمية  
بتحرسها عيون الدنيا لأجل تقويها  
وُشفت ناس مركزة تنفخ النار فيها  
عشان تشعللها وتكوي قلبي أنا بها

ولقيت بحور الدنيا مليانة بالمّية  
بحر النفاق هايج وموجه في العالي  
بحر المصلحة رايج والي فيه غالي  
بحور بلون أسود مخلوطة بالأحمر

وُشفت بحر بعيد لكن بدون أمواج  
مفيهوش من المّية غير دمعة مرمية  
عاملة دوامة وكل من فيه ليهم علامة  
على الوشوش منقوشة بتقول كلام ياما  
بتقول إحنا الموهومين في دنيا كذابة  
إحنا الي صدقنا وعشناها خيالية

والكل عايشها بطريقة واقعية  
ولقيت أوراقى مبلولة  
وكل حاجة مجهولة  
وبقيت تايه ومش فاهم ولا عارف  
هى دي معقول حياتى  
ولا أنا من دمع أوراقى بقيت خايف  
ومش شايف مين العدو وفين الحبيب  
بقى هو ده القدر وضربات النصيب  
أقابل قلوب حجر مزروعة جوا البشر  
وعيون وراء ألف قناع مستخفية  
أوراقى أنا الدايبه وريتني حقيقة منسية  
إنى عشت الحياة بطريقة وهمية

صدقت كلام الناس  
ورسمته أنا إحساس  
وحطيته فى البرواز وزينته وجملته  
وسكنته فى قلبى بصورة طبيعية  
قصر أوهامى أنا اللي شيدته

لا هما خدعوني ولا حتى طعنوني  
الي يعيش بالقلب يتحمل هو الذنب  
قطعت كل أوراقى أوراقى  
و حبست في لحظة أشواقى  
و كتمت الدمع في عنيــــــــــــــــة  
و كتبت من تانى وأنا لاغى أحزاني  
وقبلها بثنائية وأنا في دنيا غير الدنيا  
سمعت صوت فرحان بيرن في وداني  
بيقولي يا مسكين ده وعد رباني  
امشي مجرى الدم  
و أكون شمال ويمين  
لأجل يزيد الهَم  
و يتمرّد البني آدمين

أنا عاصي لله مرة حرمتني جناته  
و أنتم من برا بتدعوا طلب بركاته  
و كلكم من جوا متلونين بلون إبليس  
عارف يا حزين إن أنا و الشياطين  
بسبب بني جنسك



عن الوسوسة عاطلين  
أول من قتل من بني جنسك  
إله النفاق من بني جنسك  
إله المصلحة من بني جنسك  
إله الحرب من بني جنسك  
أنا أشهد أن لا إله إلا الله  
وأنتم عملتم من كل حاجة إله

أنا غلبان و جنودي أغلب مني  
ماfish لنا سلطان على الإنسان غير الكلام  
وأنتم ما بتصدقوا...و تسمعوا الكلام  
ازرعوا الغرقد واهتموا بجذوره  
عشان يكون أقوى و لا يبقى بينكم سلام

بدأ الصوت يكون أبعد مع ضحكات شمتانة  
حسيت بحجم الإهانة وإزاي إحنا في مهانة  
أنا كنت فعلا برا الصورة و عنية مَعْمِيَة

كفيف يتصور الناس ملايكة ناقصها جناح

نفضت غبار إبليس

و مسكت القلم بإيديه

كتبت باسم الله

من تاني هتبتدي الحياة

مافيش ملايكة ساكنة الأرض

وإن كان بالطول أو بالعرض

هي الحياة مرة مش مرتين

لازم نعيشها بني آدمين

والإنسانية مش بالدين

و أنا عايز أعيش إنسان

لا مسجون ... ولا سجان

والحل سهل و مش قضية

العلامة الي ياما كانت تملي ملغية

علامة إكس على إبليس وأعوانه

علامة إكس على النفاق و سكانه

علامة إكس على الكذب بكل ألوانه

علامة إكس على الليل و أحزانه

على اللي فكر نفسه فوق الناس  
على اللي يصدق الوسواس  
على اللي يبيع الوفاء والإخلاص  
علامة إكس تكون الدواء الي يريحنا  
من أشباه البشر الي دايرة تجرحنا  
بحق خالق السماء والأرض والبشرية  
لتكون علامة إكس ضرورة حتمية

\*\*\*\*

## عكس اتجاه

المبادئ كما الدم بتحيينا  
والي بيظلمنا هدفه يرمينا

في بحر ميت و مأؤه نار  
سيبه يكذب سيبه يخدع

انسى كلامه لو حتى يوجع  
وانسى حتى إنه يرجع

كون حلیم وأوعى تركع  
إياك تضحي بدم طاهر

كل واحد في مرايته ظاهر  
عارف حقيقته و الي صار

سيبه يرمي جمر ناره  
في يوم هيرجع باعتذاره

يومها ردد و بإيمان : سلام  
السفينة شرعها قال :

احنا هنمشي عكس اتجاه  
وأكيد هتكون أحلى الحياة

الفراق هو الدواء للغباء  
وحقيقتنا كلنا مننا فينا

\*\*\*\*

## منهم ..... لهم

كفاية تقول ....حاضر  
كفاية تقول... لأ  
مهما تكون إبليس  
أو حتى صاحب حق

صورتك باقية مكسورة  
عشان في العقل محفورة  
100 مليون صورة

مرسومة بعقول ناس  
لا دم .. ولا إحساس

فكون كما أنت وانسأهم  
صورتك مش الي بهوهم

صورتك بينك وبين نفسك  
وهما أكيد بني جنسك

مش ملايكة عايشة ويانا  
فكون راضي عن نفسك

عشان تكسب راحة نفسك  
ولا يوم يتملكك يأسك

\*\*\*\*

## ليه يا قلبي

ليه يا قلبي بتحن ليها  
إحنا بس مالنا بيها  
مش هي دي الي جريت عليها  
دي حد تاني منعرفوش.....

مش هي دي الي كانت هواك  
وف كل جرح كانت دواك  
الي قالت أنا معاك  
حبك ده عهد منساهوش.....

كدبت عقلي ومشيت وراك  
أتاريك واخدني للهلاك  
وإن كان هواها في يوم عماك  
إنساه كأنك متعرفوش.....  
داوي جرحك وعيد حسابك



دي زي غيرها إنسى عذابك  
والي خانك يوم وسابك  
حتى اسمه متقولوش.....

مهما تحزن ولا تدمع  
هيفيد بآيه لو حتى ترجع  
ألف ذكرى ليها بتوجع  
جراح كتير مايداووش.....

حُبك يا قلبي مش للزمان ده  
كفاية جرح وبلاش معاندة  
ويلا نبداً من النهاردة  
نعيش حياتنا منحنلوش....

\*\*\*\*



في ناس السعادة عندها دائما زيادة  
وناس حياتها من السعادة تملي سادة  
وناس بتسقيها الناس بمعلقة ذهب  
وناس حزنها من طقوس العبادة  
والي اتولد سعيد سعاده ولادة  
و المتعوس متعوس وتعاسته عادة

\*\*\*\*

يا اللي رامي كل حاجه على الظروف  
أنت أصلا عايش حياتك خوف في خوف  
إن جفاك مرة جاحد الحياة مش نهر واحد  
جرب وعيشها بشكل ثاني مش أناني  
ثقتك في نفسك و بيقين حزام أمان للناجين  
و الإيمان أقوى سلاح خدها حكمة و بيقين  
خلي اسمك شعاع مضيء تدق به كل الدفوف

\*\*\*

أوعى تخدع أوعى تغش  
أوعى تكون بمليون وش  
الصقر دايم في السماء  
مالوش في الأرض أي عش

\*\*\*

من كثر الوجع الكل مَلَّ  
ومعنى الدفى في القلب قل  
عكس اتجاه ماشية الحياة  
واللي باقي بس حل

\*\*\*\*

وتر حزين وتملي عزفه على الوجد  
ع اللي اتظلم و اللي انجرح و اللي انخدع  
و اللحن شغال...اكتشف الي قال عليه مُحال  
إن الوفاء والإخلاص من الكبائر و البِدَع

\*\*\*\*

مهما كنت ضعيف أوعى يبان كسرك  
خليك دائما قوي مع كل من خسرك  
هتلاقي جابر للكسر و مداوي للوجع  
و هتسمع بكاء الندم فانتظر يوم نصرك

\*\*\*



محتويات الديوان	
4	الإهداء
5	مقدمة الكتاب
25	أنا والأنا
29	حجرُ القلوبِ
34	حالةُ يأس
40	ليلة ما بكى إبليس
46	ملاك النور
50	يقين
51	جَنَّةُ الْمَوْتِ
56	???سؤال...؟
58	مدرسة إبليس

62	إبليس يعتزل
65	مظاهر كذابة
67	قول يا رب
69	درس قاسي
72	إعدام ميت
74	سعي الحياة
77	الحن حزين
79	السطر الأخير
82	عيش لنفسك
84	فُصام
85	علامة إكس
92	عكس اتجاه

94	منهم ..... لهم
96	ليه يا قلبي
98	معزوفات الوتر الحزين
105	محتويات الديوان

تم بحمد الله

جميع حقوق النشر الورقي و الإلكتروني محفوظة للناسر

